

卷二十七補人

邑後學 陳去病輯錄

明

沈自繼字君善號寶威別號礙影居士平湖籍諸生明亡隱居平

邱有平邱集四種

沈家譜云居士工詩文尤善集唐性耿介不喜俗時佚誕似晉人手懸小牌上鐫不語戒

三字曾有貴人訪之曲致殷勤公瞠目直視出牌視之不交一語貴人去適周安期顧茂倫及其弟留侯來相與傾倒雄辨四出或譏其太過公指其口曰天生我口不解與儉父語若見快人不與語又安用我口耶初公嘗從懋所公謁高僧紫柏蓮池悅之欲棄家學佛年三十即為祝髮圖以見志後竟作浮屠以紫柏蓮池皆姓沈鐫一私印曰江東沈姓第三僧

西江月 贈楊長倩

心事數莖白髮

願况一生判却歸休

柳宗秣陵凋敝不勝秋

李嘉京口

情人別久

張繼

瓜步寒潮送客

劉長卿

何如高臥東窗

王維好風維屬往

來商

杜牧

北固山邊波浪

劉禹錫

臨江仙 哭僚壻張原張

蜀魄啼來春寂寞鵬來年華近過清明韓水流花謝兩無情崔槐煙乘

曉散李凌露觸蘭英元何處更求迴日馭李商有風有雨人行建王

寒空此夜落文星方可憐江浦望宋之波浪送銘旌孟郊

萬戶千門成野草劉禹天邊樹繞誰家皇甫九原松柏似煙霞李山

芝焚空歎息王勃滄海有雲查杜甫榆莢散來星斗轉李商芙蓉園裏

看花王建定知仙骨變黃芽戴叔倫塗芻隨晝哭權德輿清淚落悲笳柳宗元

清

沈自南字留侯號恆齋順治乙未進士知蓬萊縣沈家譜云先生

大吏大吏雅聞公名以所作詩文示之公覽畢盛稱其居官美

政大吏曰以詩文示子子稱某居官何也公曰知公勤於政事

那有閒心檢點及此由是失大吏意竟被劾而罷無何卒於官  
邸邑紳沙尙書澄為文以弔有清官可為不可為蒼天可問不  
可問之句公為人風流瀟灑詞令韶秀有晉人風度雖捷南宮  
而淡於宦情兀坐著書不與世務每當良朋聚會飲酒賦詩清



言媿媿徹夜不倦所著有藝林彙考二百餘卷實為經籍之禁  
藥文章之圃田以卷帙浩繁先梓三十八卷行世又有歷代紀  
事攷異樂府箋題等書

鷓鴣天 茗戰

潛賭蘭閨甘露涼香浮雀舌勝于槍玉壺傾倒非關渴水椀淋漓太  
覺狂 陽羨紫霍山黃可人風味奈何郎憑伊善啜如王肅定爾投

戈月豔孃

黃 始字口口

小檀欒室閨秀詞鈔引宋既庭和武進黃雲孫悼

細鈎誰駐斷魂千里夢還時哭西施燕子春來歡會楊柳  
風前憔悴王孫昨日看花人恨花神吳江黃始和作云云

添字昭君怨

愁到風愁不住愁到雨愁難駐風風雨雨五更時葬西施 夢冷巫

雲曾會淚暖湘波猶悴妒花花訴惜花人怨花神

費 鴻字雲鴻號羽吉

浣溪沙 叠原韵酬焦音

羽徵聲高下里低而今無復有鍾期不須惆悵和音稀 香豔直堪

追白石雌黃寧肯讓茗溪瘦吟樓上等身詞

潘

謙字敬亭有緯蕭詞

自序予盛湖菱渡之野人也學慙孤陋本不知詞而却嗜于詞嘗于暇日展閱

古人名作無不見獵心喜一日偶讀莊子列禦寇篇內有河上翁家貧恃緯蕭而食者云云因自喜面名其詞曰緯蕭

釵頭鳳

閨怨

康熙三十九年庚辰起予方二十歲

琴慵撫花當午尋香蛺蝶風前舞春光逼愁懷密標梅應賦已三其

實七七七

詞休譜言難吐頻年待字偏多阻期無必時何及鄰閨

諸女盡皆成匹一一一

採蓮子

本意倣花間集皇甫松體併和原韵

四十年辛巳

翠蓋紅衣映碧流

舉棹

蘭橈雪腕蕩輕舟

少年

延緣誰解儂心喜

舉棹

不採

孤花採竝頭

少年



纔折香蓮一兩枝舉棹絲牽未斷故遲遲少年同行拍手促歸去舉棹笑執

軍持不自持少年

菩薩蠻 春日邨居 每句限用一美人名

綠楊陰裏低飛燕漢成帝之寵妃落花風急飄紅線薛嵩侍婢能通劍術引動小兒平漢

陽侯之侍女即霍去病之母也譁拾來鬪麗華光武帝之后也莫愁洛陽女也詳梁武帝河中歌春漸

老塵外尚書張揚妻風光好不上木蘭唐時俠女居於商邱曾代父戍邊舟因余楚國春申之妾

也 嬾出遊

前調 四季閨情

東風掃入問庭院落花亂舞臙脂片獨自倚粧樓情牽脈脈留 愁

懷思習靜鶯舌偏多佞不顧惱紅閨聲聲只管唬

垂陽嘒嘒蟬聲鬧炎蒸池閣應難到繡榻玉肌香風生枕簟涼 湘

簾垂景殿悄試蘭湯浴浴罷啓牕沙憑欄看藕花

颼颼落葉隨風捲寒衣欲製金剪畫短易消磨更長奈爾何樓前

楓影赤洲上蘆花白雁字寫晴空郎書沒一封

連朝滕六繽紛下水釵幾股簷牙挂纖指怯寒芒無心理繡牀紅

爐時俛傍煖入銷金帳獨坐泛流霞終難及黨家使陶殺事

沈彤字冠雲號果堂去病案先生覃精經術為世鴻儒而亦兼工倚聲洵自有宋時齋以來一人而已亦

見詞隱先生遺澤之長而承平閒暇得從容講藝也可勝歎慕厥後南一又以儒生工於填詞誠松陵沈氏佳話也

### 月中行 夜雨不寐

芭蕉可奈雨聲何鴛夢攪風波怪他點滴向心窩怎睡也麼哥須

知轉側愁難遣偏吝却半枕南柯睡濃猶未得逢他何況醒時多

潘眉字壽生自號青棠館主有小遂初堂集去病案壽生蘆虛人與頻伽交契晚

歲移家魏塘亦緣鄣氏昆季有夙昔之雅耳

菩薩蠻 陳少眉載春圖



春山雙髻春人麗春波一道春愁膩兩槩過紅橋春風送燕梢 錦  
帆歸去早載得春多少春去最堪憐楊華飛滿天

鳳皇臺上憶吹簫 陳子玉鄧尉尋春圖

平崦雲流疎林雪霽東風已弄晴妍怪妖紅豔紫未放春顛不分枝  
南枝北早喚起翠羽清圓春來未虎山橋下水已如烟 嬋娟舊時

澹月曾照我鄉園吹送年年笑銅坑舊約雙屐猶懸不及清游年少  
早畫就風帽披肩還能否三枝兩枝分供窗前

嚴湘帆字衡九號曉山有宜夢樓詞

去病案曉山同里人名不甚著友人沈大椿嘗得其殘稿

兩峽一曰焦雨山房稿係少作一曰宜夢樓詩集中附小詞然  
僅第十卷耳它均不可問矣細攷集中有與部復翁鄭瘦山倡  
和之作而編年至丁丑止蓋嘉慶二十二年也

唐多令 客中歲暮

征雁嘹長空清霜滿地濃倚闌千愁絕西風記得出門春尙早曾幾

日又殘冬 往事歎無窮  
浮生一夢中 二十年身世萍蓬  
擬向君平重卜兆 問衰運幾時通

前調 春遊

野外倚孤松 溪花偎岸紅  
愛江村好景無窮 黃鳥引人啼不住  
楊柳岸板橋通 蕭寺一聲鐘  
遊人萬慮空 望天邊嵐翠重重  
茅店酒旗招客醉 長搖曳夕陽中

西江月 夢遊浣香樓

燕子樓頭一別 須臾十四春秋  
夢中重上玉人樓 往事不堪回首  
玄髮已成華鬢 對花應自含羞  
貞孃芳冢漸成邱 唯有江山依舊

臨江仙 宮怨

宮院沉沉聽曉漏 漏聲偏惹愁  
濃低垂小袖 倚薰籠 淚拋紅豆  
落眉鎖 遠山重 日夜思君君不見  
誰憐憔悴花容 長門贏得首飛蓬  
玉



堦春草綠宮殿落花紅

王 棠字臺叔

去病案臺叔爲研農徵君之弟有詞一卷余求之  
久不可得陶君亦園出示此圖幸得一閱真吉光

片羽也

百字令 題顧菊蕪蒹葭秋水圖

秋光老去聽西風湖上夜潮橫捲葭莢蕭蕭沿岸曲遙間柳條長短  
亂葉欹烟涼花點雪獨立斜陽晚平沙雁語舫聲依約淒斷 凝想  
三月芳時河鮪乍上紫簡添新饌一自繁霜初落後又見冷雲吹滿  
客舫寒依漁磯低傍秋士多清感月華昭夢伊人悵望天遠

葉蘭生字楚香

慶宮春 題顧菊蕪蒹葭秋水圖

片片西風帶雲斜去蒼然天水相永呼我閒漚翩然欲遠背人搖弄  
虛嗅釣徒何處蕩寒雪斜陽中影對人欲笑兩兩浮眉淡妝初竟

依稀越尾吳頭好夢圖成浮家情景繁華怕到蘆中人老白頭堆上  
明鏡絮因飄泊儘牽惹絲菱緯荇秋心留得如此盈盈舊盟還認

費卿榮字綬堂

千秋歲

城囂睥睨愛傍湖山際古稀壽太平世懸弧榴吐豔絲恰長生繫開  
華筵定逢南極星臨第 鳩杖賓筵曳桂馥蘭芬繼壺公心夙契追  
步阿咸輩稱觴宜一例願此後年年添籌計

計 棠字慰楓號楚逋

沈大椿云楚逋道光時人工詞曲善丹青家貧課蒙爲生博通經史著有兩窗戰筈

語錄兩集年四十餘卒書未行世

滿庭芳 水仙

切玉無情剖珠傷雅生成別樣身裁凌波舒笑佳種費人猜也是河  
陽縣裏何緣在碧水塵埋端相久塵埃洗盡幽韻脫凡胎 低頭如



欲訴生平辛苦運蹇時乖被霜欺雪壓冷淡磨揩憔悴江皋石畔有  
誰問來厯根荳清魂凝結聊伴小書齋

任廷昶字彥卿

滿江紅 題計慰楓書劍飄零圖

偌大乾坤何處著狂生面目須信道學書學劍儒冠桎梏一霎春光  
歸去也西風遑恤悲秋玉笑兒曹還說甚功名蠻和觸 句引起愁  
眉蹙勃跳起雄心盪問龍門何處窮途一哭青眼論交知己少酒酣  
合把離騷讀歎生平慷慨兩心同腸迴轂

于 清字問樵

明月棹孤舟 題葉漁莊 承桂五湖漁莊圖

隨意數椽依曲渚映螺峯四圍雲護瑟瑟青蒲絲絲碧柳搖碎一莊  
烟雨 中有著書人閉戶伴蕭閒苦師漁父風月佳時林巒勝處欲

訪君幽墅

張益齡字子謙諸生著有巽峯閣詞一卷

蝶戀花 題陶譜琴幽篁獨坐圖

萬个篔簹青染鬢莽莽紅塵獨闢清涼境露滴無聲風乍定相招煙  
雨詩人影 廣廈經營精力盡雛鳳書聲懶倚墻頭聽逸趣雅宮空  
際領不須留客饒清興

葉錦葵字友蓮同治己巳府學歲貢生有小疎香閣詞

賀新郎 賀范少臺新婚

少伯稱英傑况金閨有人如玉早盟鴛牒身處繁華休戀戀正是瑟  
琴情熱應饋遍桃花和雪一舸載疑天上坐致纏綿枉說心如鐵連  
番話調百舌 同遊禊水生涯拙且放眼紅樓美人環列只看得平  
平淡淡心地光明峻潔笑世上風流競說今日言旋歌燕喜慕梁鴻



長緜同心結海棠睡一雙蝶

更漏子 贈別

好春光時更早路不嫌他遼遠且告別下回來蓬門爲我開 歸去  
矣卅餘里風順恰隨流水舫一斂到梨花梨花正落霞

惜分釵 慰范璧卿悼亡

年四十琴歌杳淚洒重泉知多少面翻青心似冰不須絃續永守釵  
分慙慙 人去也情難捨栽培子女計深遠玉一枝佳孩兒榮封紫  
誥晏領瑤池奇奇

玉樹後庭花 賀范望溪表兄令郎周粹

天錫麒麟徵瑞異牽衣嬉戲培養蘭馨成大器全名利 喜耀高  
附多遺累蒙君相愛姻亞重聯知不棄還更喜

東風第一枝 贈范菊人表兄

鷄黍筵開鶯花節屈琴瑟雙雙均愛席前餅餌滿盤夜裏喧呶一醉  
新郎驚起應冷笑阿兄慙愧酒乍醒自覺餒顏于今依然故態惜  
君身繁瑣相累爲他人衣裳作嫁餘閒還守硯田翰墨時時有事麟  
兒一見面團團早知國器毛翁乃父是封翁他日出人頭地

沈春榮字子均優廩生有葭南外史詩詞稿

風入松 七月十四荐新哭大父

淒淒風雨黯愁雲腸斷未歸魂泣殘數點麻衣血向江干手擷蘩蘋  
蠟炬淚垂也盡紙錢灰化無因生成不作亂離人明月本前身拋  
家忍自驂鸞去十分愁雁叫黃昏莫說故園花木子孫流落風塵

浪淘沙 題西子浣紗圖

碧水浣紗津砧石磷磷一雙軟屐步逡巡芳艸垂楊斜日裏愁起眉  
顰絕色採薪人眞箇傾城賸香殘粉一溪春魂斷苧蘿山不遠宛



立江濱

百字令 題靜坐延年圖

秋風莫筦一年年短竹籬笆手結走徧天涯酸兩腿還與黃花賭色  
帶雨凝神經霜鍊骨品格同高潔南山隱約杖藜看倚斑石 却道  
世外怡情此間靜坐一日當兩日跌宕煙霞餐艸木頗有長生妙術  
有藥壺寬有松徑古留得林陶跡樽中好酒消受醉翁紅頰

點絳脣 題梅花美人圖

南國仙姿一般裝點一般秀雙眉低約又是春來候 人倚闌干簾  
捲風吹袖香雲覆三生修就人比梅花瘦

浣溪沙 題桐影美人圖

紅豆天涯難夢尋碧雲涼院動秋音遲人小坐且沈吟 喚婢添香  
還待月羅裙捲膝倩橫琴

圖中置琴于鄰而不彈

此時情況此時心

沈

纓字蕙孫自號散花女史有浣紗詞

任兆麟云近世名媛海

人母女輩午夢一集藝林厚的媛系故出松陵豈扶與秀淑之氣有特鍾歟抑其濡染家學有由也往余先執果堂徵君嘗策粹吳江沈氏詩錄是集允堪嗣

蝶戀花

春莫

百五韶光餘幾許輕暖輕寒漸覺芳時暮落盡桃花飛盡絮闌干凭  
到無聊處 試聽梁間雙燕子豈解傷春却作傷春語打疊愁腸千  
萬縷夜來那更風和雨

清平樂

題素琴畫蘭贈清溪夫人并啓

蓋聞北渚芳蘭寫三閭大夫之怨東籬幽菊寄五柳先生之情結  
佩可以致醒盈把可以忘醉則茲二者適相當也值三月三日之  
候慨一詠一觴之虛言念伊人繫情彼美俄有一婢至言素琴內  
史使持一幅蘭一幅菊見贈余受而讀之不覺見蘭如見靜女之



芳見菊如見幽人之致古人覩物興懷良有以也于是綴以俚曲  
附寄尺書望勿貽笑爲幸獨是落英難食寧同一束之遺不過枝  
葉難緝聊結三秋之想云爾

香生九畹一幅生綃展淨几明窻供雅玩彷彿幽人作伴 無言空  
谷含芳縱然不采何妨贏得靈均清夢常縈畫裏瀟湘

酷相思 春歸同清溪作

獨上粧樓斜倚立但目斷天南北卻恨煞東風有底急梨花也吹如  
雪楊花也吹如雪 鎮日間愁誰共說只暗把闌干拍歎旖旎韶光  
留不得鶻啼也紅如血人啼也紅如血

玉樓春 送春和素窗姊作

一宵睡過春三月蝴蝶夢中寒尙怯曉來驚醒落花風惆悵芳菲容  
易歇 東皇又作銷魂別香徑間尋濃翠結杜鵑無語立枝頭應悔

催歸聲太切

珍珠簾 白燕

蹣跚羅袂裁無縫喜歸來掩映文梁雕棟香絮慣粘泥補舊時來空  
舞罷華胥剛一覺却與那梨花同夢堪慟念嬌樓闌盼縞衣誰共  
還聽絮語呢喃似素心商略春情種種願影在池塘訝綴來霜重莫  
向烏衣思舊族已迷入白雲鄉洞輕聳看掠入珠簾珠簾微動

高陽臺 代家大人贈廣陵九校書作

月傍層霄露滋香晚蓮燈照到花關一片湘雲教人疑煞仙山迴腸  
脈脈誰相似黃河水幾曲銀灣笑無端轉盡鑪頭熟熟靈丹 明珠  
穿破風流蟻更起來爲我妙解連環謝女機絲鴛鴦繡徧雙翰黃花  
插到西風鬢記重陽會上追歡且盤桓紅袖圍鑪共爾消寒

貂裘換酒 重贈



廿四橋頭步聽簫聲等閒吹過良宵十五偷向十三樓上望漫掩四  
圍朱戶吹好夢十年一度數徧巫山峯二六第一峯留作行雲路雙  
星照七襄渡 三三徑裏三生譜傍花前闌干六曲三弦同訴彈到  
綠腰花十八半晌魂銷色舞添八字一痕眉嫵卅六鴛鴦分四角早  
二分明月三更鼓且莫把四愁賦

前闕隱九字此闕亦仿玉局翁體玉香仙子自記

宋

趙汝淳 以下寓賢

青玉案

釣雪亭

去病案此詞與下無名氏首均見明邑人龐激吳江集

三高祠下無人到古木森森水環抱誰築幽亭臨縹緲百年遺意一

屏詩句簷外乾坤小扁舟歲晚娥眉老到處風高鱸膾少茶竈筆

牀歸未了歲華零亂雁聲嘹唳獨有寒江釣

三高亭下無塵到一曲清江水迴抱隔浦菱歌聲縹緲闌干倚處口

口雪浪出沒青山小 烟波嘯傲身今老風月從來價多少欲斷營  
營何日了鷗邊雁外可能容我習隱釣綸釣

無名氏

滿江紅 釣雪亭

三適松江又添得一亭清絕剛占斷水光多處巧依林樾漠漠雲烟  
春晝雨寥寥天地秋宵月更冰壺玉鑑暑宜風寒宜雪 矚庵右山  
依缺垂虹左波橫截正三高堂畔舊觀今別何但漁翁垂釣好謾將  
柳子新吟揭信登臨佳興屬彭宣能揮發

國朝

鄒 銓字亞雲青浦人有流霞書屋詩餘一卷

柳棄疾曰君性誠摯密爲人謀無

不忠詩文清麗如其人去病案亞雲吳江之章練塘人也其地在邑東隅連遠懸絕陡入嘉善青浦元和三縣間不與本邑屬君每以爲病因具狀郵寄蘇州地方自治籌備處竟得決議將章練塘一帶所有元和吳江兩縣地悉割隸青浦以清界畫



並令江蘇境內凡類於是者一律糾正于是吾吳區域爲之一整吏治糾葛爲之一清論者咸推君一請效至鉅焉

湘月 酒樓寫贈柳大棄疾

吳儂來矣正鶯花三月春光如綺別緒離情千萬斛試問從何說起  
盼斷飛鴻拋殘紅豆嘗盡愁滋味狂歌起舞幾回道是夢裏却笑  
醉後題詩吟邊記曲往事堪重記幾度河陽花滿縣怪道流光如水  
司馬青衫灞橋綠柳還染離時淚豪情何許明朝付與西子

臨江仙 巢南不良於行欲偕予游湖上候輿夫不至作

游屐眞成雙不借相宜也少輕航欲隨飛絮過橫塘日斜花影亂孤  
負好春光 遙想湖隄添旖旎東風一桁垂楊香車寶馬等閒忙鞭  
絲和帽影掩映水雲鄉

去病案此詞與前後諸作皆予在泉唐時見君所撰當時同游甚快孰知已成夢幻耶

漁家傲 傷春

慵倚闌干聽杜宇春歸那得留春住滿院芳菲誰作主無情緒一杯

濁酒澆黃土 流水落花何處去  
問人爭說渾無據 惹我閒愁知幾  
許 銷魂處 綠楊影裏飛紅雨

望海潮 陪巢南鈍劍登六和塔和鈍公韻

金甌已缺南朝半壁 令人灑涕難收  
千劫興亡兩宮遺恨 滔滔付與  
江流 此憾幾時休 願乘風破浪  
捲盡貅貔王氣 銷沈中原如此  
忍淹留 行行幾度回頭看  
雨迷春樹雲黯神州 千仞銀濤  
片帆烟雨者番 略算豪游 故壘  
認千秋 慨婆留安在 誰射潮流  
公又登高作賦 添我一重愁

點絳脣 步鈍劍韻

簾幙東風落花不待春歸去  
任他飛絮零落清明雨 春到誰家  
渾道無憑據 思量處 鶯飛草長  
烟柳江南路



笠澤詞徵

百尺樓叢書

卷二十八 補詞

邑後學 陳去病輯錄

宋

范成大見卷一

念奴嬌

十年舊事醉京花蜀酒萬葩千萼一棹歸來吳下看俯仰心情今昨  
強倚雕闌羞簪雪鬢老恐花枝覺揩摩愁眼霧中相對依約 問道  
家讌團圓光風轉夜月倚西樓落打徹梁州春自遠不飲何時歡樂  
沾惹天香留連國豔莫散燈前酌鞞塵生處爲君重賦河洛

滿江紅

竹裏行廚來問訊諸侯賓老春滿座彈絲未遍揮毫先了雲避仁風  
收雨脚日隨和氣薰林表向樽前來訪白鬢翁衰何早 志千里功

名兆光萬丈文章耀洗冰壺胸次月秋霜曉應念一堂塵網暗故將  
百和香雲繞算賞心情話古來多如今少

千秋歲 重到桃花塢

北城南埭玉水方流匯青樾裏紅塵外萬桃春不老雙竹寒相對回  
首處滿城明月曾同載 分散西園蓋消滅東陽帶人事改花源在  
神仙雖可學功行無過醉新酒好就船況有魚堪買

浣溪沙 燭下海棠

催下珠簾護綺叢花枝紅裏燭枝紅燭光花影夜葱蘢 錦地繡天  
香霧裏珠星璧月綠雲中人間別有幾春風

又 新安驛席上留別

送盡殘春更出游風前蹤跡似沙鷗淺斟低唱小淹留 月見西樓  
清夜醉雨添南浦綠波愁有人無計戀行舟



歛浦錢塘一水通閒雲如幕碧重重吳山應在碧雲東  
無力海棠風淡蕩半眠宮柳日葱蘢眼前春色爲誰濃

又

白玉堂前綠綺疎燭殘歌罷困相扶問人春思肯濃無  
夢裏粉香浮枕簟覺來烟月滿琴書箇儂情分更何如

朝中措 丙午立春大雪是歲十二月九日五時立春

東風半夜度關山和雪到闌干怪見梅梢未暖情知柳眼猶寒  
青絲菜甲銀泥餅餌隨分杯盤已把宜春縷勝更將長命題旂

又

身閒身健是生涯何況好年華看了十分秋月重陽更插黃花  
消磨景物瓦盆社釀石鼎山茶飽喫紅蓮香飯儂家便是仙家

又

繫船沽酒碧帘坊酒滿勝鵝黃醉後西園入夢東風柳色花香 水  
浮天處夕陽如錦恰似鱸鄉中有憶人雙淚幾時流到橫塘  
海棠如雪殿春餘禽弄晚晴初倦客長慚杜宇佳辰且醉提壺 道  
遙放浪還他漁子輸與樵夫一棹何時歸去扁舟終要江湖

又

天容雲意寫秋光木葉半青黃珍重西風祛暑輕衫早怯秋涼 故  
人情分留連病客孤負清觴陌上千愁易散尊前一笑難忘

南柯子 七夕

銀渚盈盈渡金風緩緩吹晚香浮動五雲飛月姊妒人顰畫一彎眉  
短夜難留處斜河欲淡時半愁半喜是佳期一度相逢添得兩相

思

水調歌頭



細數十年事十處過中秋今年新夢忽到黃鶴舊山頭老子箇中不  
淺此會天教重見今古一南樓星漢淡無色玉鏡獨空浮 斂秦煙  
收楚霧熨江流關河離合南北依舊照清愁想見姮娥冷眼應笑歸  
來霜鬢空傲黑貂裘醞酒向蟾兔肯去伴滄洲

又 燕山九日作

萬里漢家使雙節照清秋舊京行遍中夜呼禹濟黃流寥落桑榆西  
北無限太行紫翠相伴過蘆溝歲晚客多病風露冷貂裘 對重九  
須爛醉莫牽愁黃花爲我一笑不管鬢霜羞袖裏天書咫尺眼底關  
河百二歌罷此生浮惟有平安信隨雁到南州

鵲橋仙 七夕

雙星良夜耕慵織懶應被羣仙相妒娟娟月姊滿眉顰更無奈風姨  
吹雨 相逢草草爭如休見重攬別離心緒新歡不抵舊愁多倒添

了新愁歸去

宜男草

籬菊灘蘆被霜後  
裊長風萬重高柳  
天爲誰展盡湖光  
渺渺應爲我  
扁舟入手  
橘中曾醉洞庭酒  
輾雲濤挂帆南斗  
追舊遊不減商山  
杳杳猶有人能相記否

舍北烟霏舍南浪雲  
傾籬雨荒薇漲問小橋別後誰過  
惟有迷鳥翳  
雌來往  
重尋山水問無恙  
掃柴荆土花塵網留小桃先試  
光風從此芝草琅玕日長

夢玉人引

送行人去猶追路再相覓  
天末交情長是合堂同席  
從此尊前便頓  
然少箇江南羈客  
不忍忽忽少駐船梅驛  
酒斟雖滿尙少如別淚  
萬千滴欲語吞聲  
結心相對嗚咽燈火  
淒清笙歌無顏色  
從別後儘



相忘算也難忘今夕

菩薩蠻

小軒今日開窗了揉藍染碧緣堦草簷佩可憐風杏梢烟雨紅飄  
零歡事少鬢點吳霜早天色不愁人眼前無限春

又

黃梅時節春蕭索越羅香潤吳紗薄絲雨日朧明柳梢紅未晴多  
愁多病後不識會中酒愁病送春歸恰如中酒時

臨江仙

羽扇綸巾風嫋嫋東廂月到薔薇新聲誰喚出羅幃龍鬚將笛繞雁  
字入箏飛陶寫中年須箇裏留連月扇雲衣周郎去後賞音稀爲  
君持酒聽那肯帶春歸

減字木蘭花

玉烟浮動銀闕三山連海凍翠袖闌干不怕樓高酒力寒  
雙松凍  
折忽憶衰翁容易別想見鷗邊壓損年時小釣船

又

折殘金菊棖子香時新酒熟誰伴芳尊先問梅花借小春  
道人破  
戒染酒題詞金鳳帶愁病相關不似年時酒量寬

又

波嬌鬢裏中隱堂前人意好不奈春何拚却輕寒透薄羅  
剪梅新  
曲欲斷還聯三疊促圍坐風流饒我尊前第一籌

又

枕書睡熟珍重月明相伴宿寶鴨金寒香滿圍屏宛轉山  
雞人聲  
杳瑤井玉人相對曉黯淡窗紗却下風簾護燭花

又



臘前三白春到西園還見雪紅紫花遲借作東風萬玉枝  
歸田計  
決麥飯熟時應快活身在高樓心在山陰一葉舟

鷓鴣天

休舞銀貂小契丹滿堂賓客盡關山從今裊裊盈盈處誰復端端正  
正看  模淚易寫愁難瀟湘江上竹枝斑碧雲日暮無書寄寥落煙  
中一鴈寒

又

蕩漾西湖采綠蘋揚鞭南埭袞紅塵桃花暖日茸茸笑楊柳風光淺  
淺翠  章貢水鬱孤雲多情爭似桂江春崔徽卷袖瑤姬夢縱有  
自相逢不是真

又

嫩綠重重看得一作慚  成曲闌幽檻小紅英醪醪架上蜂兒鬧楊柳行

間燕子輕 春婉晚客飄零殘花淺酒片時清一盃且買明朝事送  
了斜陽月又生

又 雪梅

壓蘂拈鬢粉作團疎香辛苦顛朝寒須知風月尋常見不似層層帶  
雪看 春髻重曉眉彎一枝斜並縷金旛酒紅不解東風凍驚怪釵  
頭玉燕乾

好事近

雲幙暗千山腸斷玉樓金闕應是高唐小婦妒姮娥清絕 夜涼不  
放酒杯寒醉眼漸生纈何待桂華相照有人人如月

又

昨夜報春來的礫嶺梅開雪攜手玉人同賞比看誰奇絕 闌干倚  
遍憶多情怕角聲嗚咽與折一枝斜戴襯鬢雲梳月



卜算子

涼夜竹堂虛小睡匆匆醒銀漏無聲月上堦滿地闌干影  
何處最知秋風在梧桐并不惜驂鸞弄玉簫露溼衣裳冷

又

雲壓小橋深月到重門靜冷蘂疎枝半不禁更著橫窗影  
回首故園春往事難重省半夜清香入夢來從此煙爐冷

虞美人 寄人覓梅

霜餘好探梅消息日日溪橋側不如君有似梅人歌裏工顰妍笑兩  
眉春 疎枝冷蘂風情少却稱衰翁老從教來作靜中鄰冷淡無言  
無笑也無顰

又

落梅時節冰輪滿何似中秋看瓊樓玉宇一般明只爲姮娥添了萬

枝燈 錦江城下盃殘後還照  
鄴江酒天東相見說天西  
除却衰翁和月更誰知

又

玉簫驚報同雲重仍怪金瓶凍  
清明將近雪花翻不道海棠消瘦柳  
絲寒 王孫沉醉狔氈幕誰怕羅衣薄  
燭燈香霧雨厭厭髣髴有人  
愁損上眉尖

又 紅木犀

誰將擊碎珊瑚玉裝上交枝粟  
恰如嬌小萬瓊妃塗罷額黃嫌怕汗  
燕支 日深未覺清香絕風露溶溶  
月滿身花影弄淒涼無限月和  
風露一齊香 日深疑  
夜深

醉落魄 元夕

春城勝絕暮林風舞催花發  
垂雲捲盡添空闊吹上新年美滿十分



月紅蕖影下句絲抹老來牽強隨時節無人知道心情別惟有蛾  
兒驚見鬢邊雪

明

史

鑑

見卷三 去病案西村家嘗遭火患時適在吳江先生於  
夜中第見東南偶有紅光亘天心甚愕然及旦家報至則  
長物蕩然矣余錄此詞亦值東江寓廬被焚之後先生全集以  
精鈔孤本攜在行篋得免於厄意冥冥殆有數存焉者耶

醉桃源 寄劉邦彥

北新橋下雨催詩春歸人也歸多君重約再來期春來人未知  
花  
掃地笋翻泥還家時節移青山南望渺天涯美人相見稀

青玉案 武夷

武夷春色年年早花滿洞天清曉玉女峰頭雲縹緲幔亭張列羣仙  
來下環珮知多少 天生九曲清溪遶有幾處流來棹歌好音韻悠  
揚風嫋嫋舟橫絕壑巖留仙掌知是何人巧

風入松 會稽

會稽山水盡知名人在鏡中行彩雲暖護雲門寺東風過吹散還生  
賀監湖頭草綠謝公宿處猿鳴采蓮越女照人明花下只聞聲剡  
溪流水依然在何人再雪夜尋盟許我他年來否月明何處吹笙

金人捧露盤 金陵

大江南繁華地帝王州嘆六朝往事悠悠山圍故國秦淮萬古水東  
流廢臺春草幾回綠鳳去誰遊自皇朝來都此普天下共尊周信  
東南王氣常浮龍蟠虎踞凌雲霄紫殿彤樓舊時王謝燕栖處又屬  
公侯

滿江紅 贈歌者

畫舸浮空蚤移入錦雲鄉裏羨年少點翠勻紅妬花爭美葉底鴛鴦  
初不見歌聲慚近纔驚起向晚來猶自愛新粧臨秋水闌干曲頻



徙倚長袖舉朱唇啓戲舞妖歌豔不勝羅綺逗雨驚鴻飛不定嚙春  
黃鳥嬌無比最苦是一霎便分離人千里

水調歌頭 沈經衛賞杜鵑花

今日復何日把酒對花吟杜鵑何事啼血望帝托春心幻出赭羅巾  
子無限穠華佳麗都在淺和深斷送莫春去粧點夏初臨 鶴林寺  
重九日爛如春花陰二女遊戲妖冶稱花神可惜繁華廢盡一夕移  
歸園苑轉眼迹成陳豈若順天造歲歲一番新

孤鸞 賞牡丹

天然佳麗有傾國姿容絕倫嬌媚萬紫千紅盡在下風迴避君家去  
年勝賞翠帷低粉勻朱膩蝶使蜂媒似織總爲餘香至 喜今年重  
見舊風味想尙怯春寒開也還閉無限穠華最是露珠凝綴只疑太  
真浴罷把霓裳羽衣新試軟玉香肌紅透倚東風酣睡

玉蝴蝶 贈歌妓解愁兒

天與多嬌好似初春楊柳雨洗風揉披拂開花深處綠怨紅羞遠山  
橫修眉顰翠江水淨嬌眼凝秋儘風流新翻料峭斜抱箜篌 休論  
石城佳麗廬家女子往事悠悠倩將愁解多應解後轉添愁向空江  
肯捐珠珮思遠道欲采芳洲倚危樓雲中江樹天際歸舟

渡江雲 閏月燈夕觀戲

別來驚許久相逢何夕燈月再團圓爲嫌春色淺特地調朱弄粉鬪  
嬋娟風流蘊藉人都道勝似當年搬古人悲歡離合恩怨盡成妍  
偏憐香烟霏霧醉眼生花把闌干倚徧消受他歌喉宛轉舞袖蹁躑  
更沉漏斷人歸後再秉燭猶自忘眠怕聽鳥啼金井闌邊

百字令

贈妓

有序 妓名玉蘭

玉蘭奇花也予嘗於浙藩之紫薇樓前見之或者名之豈將取標



韻耶而賦詠者皆岐而爲二表而證之

紫薇樓下記持觴醉把名花相酌愛爾玉蘭名字好况乃色香幽媚  
娟淨無瑕清芬離俗臨去猶凝睇時移事換夢中頻見佳麗 誰道  
買笑吳門美人携手儼與花相似氣味風標無兩樣疑是花神遊戲  
嬌嚀歌喉明珠一串散落金盤脆曲終凝望碧雲猶在天際

又

詠妓 名妓  
枝桂

天然風韻想前身曾在廣寒宮闕密恨幽情千萬種知道直須明月  
霧鬢輕盈霓裳旖旎自與人間別夜涼人靜天風吹下金屑 何幸  
年少吳郎尋芳較早把高枝先折風露滿身花影下醉把同心雙結  
兩袖天香一枝秋色金榜名高揭看花上苑休將恩意輕絕

哨遍 端午日飲都立敬於豫章堂

梅雨弄晴梧葉生陰深苑榴花吐見釵頭齊綴赤靈符恰又經一番

重午君聽取斜陽竹西歌吹分明不是揚州路信彼此無殊古今不  
異逢場自足歡娛但未能免俗與人俱也試舉芳樽泛菖蒲艾虎懸  
門綵絲纏臂尙傳荆楚 吁滿地江湖龍舟競渡曉喧諠相習成故  
事騷魂此日知夫覩水馬爭馳錦標平插浪華捲雪轟旗鼓幸得雋  
歸來拈華弄酒向人誇笑矜舞有誰解屈子懷沙故睠宗國難忘心  
獨苦想曾懷瓊棖椒精浮遊蟬蛻應笑世俗沉菰黍是非非是都休  
評論聊且長歌弔古閩風縣圃渺蒼梧望夫君弭節何所

吳易見卷五

一翦梅 秋湖

紅染青楓白露霏江上鴻棲城上烏棲扁舟野客倒金卮霜下花稀  
月下星稀 舊事興亡總弈棋顰也西施笑也西施英雄心事總成  
癡俊殺鷗夷惱殺鷗夷



漁家傲 漁父

鸚鵡洲頭天映水，鳳皇池上山橫翠。短艇輕綸隨處艤。秋似洗，玉醅金蕊銀絲脍。澤畔三閭醒與醉。蘆漪伍子歌和淚。苦恨英豪成底事。煙月裏，笛聲吹徹鼉魚睡。

滿江紅 姑蘇懷古

斗大江山經幾度，興亡事業瞥眼處。稱王說霸戰爭不息。一作本香水

錦帆歌舞罷，虎邱鶴市精靈歇。漫簡殘吳越，舊春秋傷心切。伍胥

恥荆城雪，申胥恨秦庭咽。更比肩種蠶，一時英傑花月煙橫西子黛。

魚龍水噴鷗夷血，到而今薪膽向誰論。衝一作冠髮

前調 彭城懷古

霸業銷沈還留下，連山巨浪想當日。金戈鐵騎風驅雷盪戲馬臺平。神駿去，斬蛇溝冷蛟龍葬。算古今形勝說彭城，空悲壯。荒原草處

歌唱新春燕高樓傍更蕭疏野老閒庭鶴放黃石遺祠臨古岸東坡  
斷碣懸青嶂歎成名豎子共英雄乾坤愴

沈自炳見卷五

蘭陵王 秋日書懷

夏猶昨忽把秋來迎著似晴欲雨太無聊乍熱還寒做蕭索夢魂何  
處託烟斷楚江難泊撫孤枕倦極偏醒曉月蒼涼衾力薄 譙樓吹  
畫角漸雲淡天高萬星搖落祖劉劍氣空磅礴悵中原沸鼎澄清無  
術七尺男兒徒悶縛奈時序銷鑠 齷齪世皆濁任鱸膾堪思蠅頭  
難却憑誰借箸籌時略捫舌在閒向蒼天空嚼蛩吟荒草碾秋聲問  
伊悲樂

沈永啓見卷六

憶秦娥 酒闌對月



今宵月淒清萬里情難滅情難滅醉鄉潦倒怎飛瑤闕  
半生孤負  
鶯花節唾餘浪有人吟絕人吟絕天涯夢冷戍樓聲咽

玉樓春 仲秋晦夜效溫飛卿體

廣寒宮閉陰風裂長夜營營如萬劫當時宋玉楚江秋留在人間化  
成血 姑蘇臺冷啼烏歇鬼火生光漁火滅摩空海日透遙天紙帳  
離魂剛夢別

前調 漫言

原來晝盡還須夜懵懂天公勞殺也千古精靈何處歸浮生贏得滄  
波瀉 山河大地如傳舍只此芸芸相代謝雙鬢消磨濁酒中憑高  
一望皆蒿野

臨江仙 獨坐偶成

一片夕陽無著處却來對我商量寸心迢遞向何方殘燈催短夢細

雨弄昏黃 爲問百年能幾許忍教刮盡愁腸從今擲碎蠹魚囊漫  
勞虛歲月猶自暗行藏

天仙子 孤燈獨坐

如夢如癡不自曉却笑此身愁內老暗雲殘雨度長霄魂渺渺風悄  
悄慘淡生涯何處好 懶逐塵途爭熱鬧靜裏無端閒著惱支離對  
影向誰憐情不了三生報細語燈花憔悴到

滿江紅 文將叔歸隱南莊

障眼風塵忍虛談志盟泉石但此際狐狼奮臂羽毛應惜落月驚殘  
千里夢孤帆弔盡三江客且歸來蓬戶課桑麻淵明宅 酒百盞乾  
坤窄情一點山川白悵英雄何處空歌黍麥牀畔青萍徒夜吼傷時  
可奈同鷄肋問天公甚日靖烽烟籌前席

雨中花慢 哭醒公弟



衛玠丰標錦爛詞壇風馳電閃無存憶溪頭語笑別緒猶新怪叩蒼  
穹咄咄恨催白髮頻頻看夕陽飛燕畫梁無主對訴花茵 苔封竹  
徑人琴俱杳漁莊陡過含辛吟聆缶悲來填臆月淡黃昏此去儂寧  
是我再來爾更何人縱饒化鶴令威誰識不算招魂

木蘭花慢 將歸平丘留別孫商聲道兄

太湖三萬頃能吐納是孫郎想彩筆橫飛銀濤洶湧搖蕩波光多情  
自古多恨怪天公付恁不尋常客裏秋風難駐臨歧却惜離觴 松  
楸夢裏洵吾鄉兩地縈回腸念換羽移宮挑燈拍案好句休藏江干  
若還艤棹望披榛覓路到寒莊願影喃喃自語書空咄咄誰償

前調 秋抄將返平丘留別吳友陳再王兩表弟

烏衣王謝第惟古木尙當年憶負笈垂髫師承舅氏走筆花前斜陽  
暗催鬢改看人琴寥落淚漣然一卷縹緲未斷二難猶肯爭光 移

家經歲漫遷延心事付哀蟬奈貧病交攻荒庭白日破甑寒烟簞瓢  
且虛郭外甚黃鷄紫蟹足梁園無酒沈沈若醉衰翁對坐逃禪

前調 慰陳天游甥倩悼亡

秦樓鴛夢斷荀奉倩奈神傷記坦腹牽絲畫眉却扇鸞影飛雙芹香  
篝燈佐讀羨螿鹽歲月共相莊撫就掌珠凝彩裁成庭玉爭芳 何  
當瑤島促雲裳含淚掩殘妝歎半生慈孝萬端涼燠一旦分張悲涼  
太丘羔雁縱他年紫綬負糟糠可惜連枝誼重廉泉不獲親嘗

謂觀  
文甥

水龍吟 遣懷

夢回四野蛙聲曙光隱隱愁彌極猛追身計如何狼狽流光駒隙說  
甚男兒酸螿甕裏淚珠偷滴向天涯一望沈迷半餉惹動雨風蕭瑟  
天若垂情念我願從今心頑如石也知勘破塵勞世網把閒愁斥  
畢竟無端絲絲牽著依然雖釋算除非陡志逃生醉夢暫舒晨夕



前調 辛卯中秋僦居湖上憶舊

晚風驚散浮雲素娥玉宇開金鏡登樓玉粲故園何處太湖千頃烏  
鵲南樓羈魂牢落室家萍梗歎潘絲欲染青山孤約忽醉裏愁重醒  
遙想楓江露冷已苔封故人花徑臨觴鬥酒裁詩浣筆當年稱勝  
烟鎖蘋溪漏催蛩砌夜寒相迸問今宵何事低徊撚帶茂陵成病

尉遲盃 書悶

常私哂羲娥逐轡到何時盡漫催傀儡乾坤陡若江濤亂滾烟霞堪  
蹈恐走遍青山難覓隱問劉伶僵臥糟丘可銷鑠胸中憤 咄哉奚  
必沈吟憑誰把濁醪痛澆方寸在雨暗風狂相鬪且報道醉鄉頽困  
沒來歷靈均獨醒便吟煞江皋著甚緊但更防醉後無聊還頻將袖  
兒搵

惜餘春慢 重閱葉蕙綢表姊遺藁

鏤管冰生臨牋翠起從古名姝不到魂銷夜月淚染春花滿幅睡痕  
殘照乍展還尋豔句覽至中篇頓成猿嘯遍江山覓不出知音侶請  
君休道 慚愧我天付愁腸朗吟再四蒼地低徊痛倒溫柔骨性慷  
慨襟期品行誰人分曉常自忘懷奮袂笑破乾坤踏平蓬島漫回頭  
鸞影妝梳竟在鳳樓空老

沁園春 子才姪從余肄業三載庚寅春將負笈于舅氏葉雲

期余己丑冬暮解館書此爲別

點檢芸編殘冬無幾別在新春念三年講習吾無隱爾一生進退汝  
勉成人手澤難求熊丸是望肄業還傷家力貧從今去願賢甥似舅  
卓邁羣倫 臨歧囑語須珍把學問塵情兩路分看榮枯有命從伊  
冷暖詩書無恙勵爾晨昏凍蕊江頭斷鴻天際漠漠寒烟斜日曛他  
時望過卿家癡叔樽酒論文



沁園春 庚寅秋日館中得內子札書此答之

來歲歸歟偃蹇貂裘傍食山妻欲筆花濡禿如何纔是情絲空掛畢  
竟還非書有千函田無一頃舉目人間百不宜休追古傷伯鸞非德  
眉案難齊 回頭汝試思維看十載炎涼我共伊念克勤克儉甘貧  
誰及能寬能猛調劑須知鐵硯重磨韋編再整榮祿何年報屢屢他  
時願向溪山下築偕隱忘機

前調 輓許節婦金夫人

天道無知如此貞嫠乃不祿耶看三十星霜代夫事父百千炎冷立  
嗣承家兩世單傳一生九死拮据晨昏獨練麻心何託望螟蛉似續  
里閭相誇 回頭雙手頻又歎玉樹無根類柳花念井臼維艱敢辭  
俯仰旱澇踵至甘委泥沙貧病交攻始終不變忽向泉臺化晚霞臨  
歧話尙痛翁垂暮菽水情賒

賀新郎 聶叔夏道兄劇談舊恨爲作送春詞以記之

去去春難買任殷勤千金一刻爲誰留在往事驚心如斷夢忍對花  
天月海笑老去愁腸未改蝴蝶不通孤枕恨縱知音已負今生債情  
萬縷空耽待 淚痕敢向樽前灑怕難禁酒傾百斛醉魂無賴顛倒  
行藏齊寵辱牛馬隨呼何害羞重向鶯花結寨睡起玉簫聲漸遠看  
暮雲冉冉歸青黛雙袖懶風吹帶

前調 壬戌夏五張煥文道兄郵寄四愁全集冬莫余適歸故  
里不獲一晤譜此代別

萬選青錢客倒詞源寶光千丈似歌還泣落拓行藏誰敢料羞向玉  
門鼓瑟但暗惜流光空擲賦就長門司馬價問何年應召沈香北百  
解酒風生腋 憐才老叟偏鷄肋整歸橈識韓有待班荆未得莫歎  
四愁青鬢改指日鳴珂如昔算行樂浮生是實六國未平嬴姓改笑



斜陽照老江山碧還放釣五湖宅

前調 歸憩故園用南莊叔投贈原韵

照影清溪下似蝸牛遷延脫殼又歸來也十五年前容膝處斗室居然廣廈真手澤離離爛雅荒冢淒涼松菊地是當年花園人中畫顛倒夢幾時暇 難追龐老團圞話笑羈遲向平五嶽倩誰催駕木石同壇千岫隱怪底須彌不大枉受用花寒月亞剩有閒情翻曲調寄漁莊倡和斜陽掛還拍手浩歌罷

前調 秋日聞退密師抱恙都中譜此志懷

此去非君願果長安朱門九閉黃沙撲面拋却醞醕禪悅味馬矢塗羹相勸漸舊衲化衣塵滿人世蠅蝸成底事怪三千里外聽更箭疾陡作那能遣 涼秋定報沈疴散鼓歸橈長天破浪那時重見憶昨花朝同眷別抹眼星霜又變莫追感帝城冰炭自有驪珠衣內寶映

禪燈一盞維摩院陳七發也非晚

邁陂塘 來止兄鑿池既畢草廬落成屬詠

休提起射名馳利茫茫無限今古窮通壽夭何須算不是男兒進步  
朝又暮肯忘却三生石上來時路清閒自許有數畝沔池一椽茅屋  
便恁安身處 蒹葭裏鷄犬聲傳遠浦漁帆野岸低度日之夕矣牛  
羊下造化不勞人補東籬踞遙望見鷄衣小弟廬荒墓狂吟對賦笑  
捏影蓬壺搏沙經史贏得英雄誤

浪淘沙慢 中秋月夜

迫人老涼颺欲醉月皎如別正是閒愁難決放清光忒恁徹問萬里  
瑤天何處絕空凝望斷雲搖曳聞道廣寒頻敲玉杵可醫得心熱  
誰說今古恨情難滅想芙蓉泣露秋江冷幽豔還空設乍蟋蟀吟寒  
聲愈淒裂豐城古鐵舞精靈斬碎瓊樓宮闕長夜埋光迷霧結纔消



盡晦明圓缺遍天下悶葫蘆空挈省得是照我牀頭驚坐起擁衾歎  
息情虛切

沈永禪見卷六

憶江南 南村詞

江柳好消夏納新涼麻葉雨肥村舍綠棟花風軟水亭香閒坐桔槔  
旁

眼兒媚 秋夜不寐

竹撼秋屏被未溫香滅舊時薰十年心事五更風雨一夜愁人  
燈  
花結盡無憑準楚夢等飛塵滿庭墜葉數聲征雁合造銷魂

鷓鴣天 閨怨

寶瑟淒清螺黛低一雙紅筋漬羅衣檐前花落蛛兒占樓上春寒燕  
子知 傷獨自記分攜短檠消息夢參差天涯便擬成拋棄未忍輕

裁決絕詞

虞美人 春盡

欺寒做暖閒庭院  
糝地殘英遍  
泥香釵得燕梢忙  
爲替長虹小白罵  
蜂狂 粉闌干外  
湘簾掛密事重重下  
也應無計可留春  
獨自冷拈  
愁字祭花魂

南鄉子 詠紫籐花

結陣錦香迷檀霧  
晴吹冑蝶衣  
栽得綵雲爲步障  
紛披百尺流蘇剪  
未齊 風裊珮環欹  
寶珞珠瓔委地垂  
幾度欲扶扶不起  
渾疑壓架  
葡萄萬顆低

踏莎行 春恨

薄命天桃淺情飛絮  
繁華總是銷魂處  
無端二十四番催風  
風雨雨  
春歸去 楚客才華謝  
孌眉嫵算來多少成擔誤  
直須酌酒向花前



飄零一樣休相妬

滿江紅 秋感

搖落年華驚心處頻看青鏡借一段漁樵閒話解嘲鐘鼎志豈在乎  
溫共飽士之常耳貧非病料嵇狂阮哭總徒然無人省 登臨約成  
空訂闌干曲聊孤凭正愁來時也思量耿耿少不如人今過壯醉應  
難遣何堪醒把襟期飛落楚天遙隨鴻影

木蘭花慢 冬日諧賞園感舊

辟疆名勝地故老說舊曾游記曲榭平臺花時聯袂月夜藏鈎繁華  
事吾不見尙依稀人物晉風流滿目山陽遺恨空餘寒雀啾啾 斷  
垣烟影敗梧楸收拾古今愁歎一擲光陰幾多池館回首看休人生  
等閒如夢總銷沈華屋與荒邱落日西風淒緊憑闌無限遲留

望湘人 茉莉

漸黃昏近也淡月簾櫳香膏百斛無價寶合分酥瓊甌護粉不放等  
閒開謝指印尖纖汗潮融溜簿紗廚下正寂寥簾展湘紋冷浸一簾  
冰鬢堪掬清芬盈把想斜簪晚髻玉釵光亞洗瘴雨蠻烟占斷嫩  
涼亭榭因記舊約題封巾帕多少翦燈低話但曉來枕畔端相莫忘  
昨宵嬌媿

金縷曲 感憶

鬢髮晨梳了拂菱花水晶簾下玉蛾重掃豈蕊含香春未透蔞地蜂  
勾蝶惱惹一點紅潮暈小曲角闌干窺倩影乍迴身碧玉情顛倒巫  
峽夢片雲杳而今塵閣銷龍腦剩人閒愁多騎省鬢斑形槁往事  
不堪重記憶空對落花殘照歎密意些時草草鈿盒銀環私誓在總  
今生難借他生表鮫帕展淚多少



笠澤詞徵

百尺樓叢書

卷二十九

邑後學 陳去病輯錄

清

葉舒胤見卷七

壽星明 壽沈一指表叔

江左文章吳興人物郊居隱侯記花時竹馬童迎上洛桑陰雜雉椽  
說中牟兩袖風輕五湖春暖鄉夢先牽一葉舟歸來好等身書卷如  
意歌喉 須知天與風流向藝圃歡場恣冥搜看徐卿作畫半多沒  
骨周郎顧曲頻自回頭酒可三杯棋還幾局許我追隨百尺樓聽此  
會新聲雙奏畫錦千秋

前調 壽吳慊庵先生

錦里先生弱冠才華雁塔高題記含香粉署閒稱吏隱飲冰水部清

畏人知拄頰山青科頭眼白金馬浮沈此一時風流甚看從容退食  
伸紙臨池 鳧舟翠蓋齊飛是憲節乘春天上移恰論兵江漢輕揮  
白羽寒帷荆楚偶挾朱絲世路羊腸宦情雞肋萬事無過便拂衣歸  
來好且學參柏子休遣楊枝

葉舒崇見卷七

卜算子 荷珠

可向日南來乍寫圓還碎買得花容似六郎十斛休嫌貴 月曉墮  
紅衣粒粒須重綴寄語鮫人莫採歸留作相思淚

前調 榆錢

箇箇沈郎輕彷彿完輪廓可是天工也愛他枝上橫堆著 拾不得擲  
千緡買住春情薄不道隨風賭落花一夜都輸却

沁園春 美人齒



密結朱脣一夜生成可是含蘭慣盈盈寫字吮殘鼠管懨懨病酒嚼  
碎龍團好閉芳津頻啣素指誰把琅玕故故攢風流甚愛痕留歡臂  
輕印香檀 隔簾仔細偷看恰纖手輕揉病倚闌記紅牙度曲千呼  
乍啓青梅消渴一點先寒粉澤難施香醪屢嗽頰頰多姿露未完天  
然好笑梁家新樣齟齬多端

丘乘 見卷七

賀新郎 寄倪文來

又見西風發悵知音頃塘溪畔窮愁寥闊落窠雲亭誰載酒奇字零  
星狼籍歎自昔才高欲殺嚼徵噴宮花月地漫消磨幾斗男兒血更  
何日繫南越 入秋我亦愁千結料人生不逢狗監長楊何物吾道  
從來難媚俗囊底寧能穎脫休再問侯門鼓瑟金盡牀頭且莫歎看  
一錢眼底誰人直還共訂古今業

沈 雄見卷七

沁園春 感遇

弔古愁濃懷人道遠年又一年擬碎琴市上功名晚矣挂書牛角里  
塾蕭然投轄無從歌魚莫就誰是逢人說項偏應嗟我吳霜茸帽楚  
雨絲鞭 人閒刺促堪憐終自笑原無二頃田悵江干挾策曾磨盾  
鼻壚頭貰酒也拔珠鈿歸競巢枝老甘伏櫪休問英雄骨肉緣茲休  
矣依人白社破我青氈

賀新郎 紅橋感舊

往事俱沈陸趁朝來木闌撓轉藕花香簇帝子紛華如夢裏賸作名  
流殘福楊柳岸紅橋低束勸酒徵歌誰得似任空梁難把香泥啄翻  
揭調趨時局 芳郊一雨矜新沐尙依稀蜀岡餘黛雷塘零玉錦纜  
迷樓何處去那有斷魂重續千載恨罨眠鴛宿後不如今寧似昔只



蕪城一賦尤難讀隨過隙爭相逐

虞美人 櫻桃

火珠纍纍名園種曾帶青絲籠葡萄滿架薦秋風不及春深一點口

脂紅 何來挾彈驚相問莫是當年鄭嫌他別苑鳥銜殘只向珊瑚

網底定睛看

周 銘見卷八

鶯啼序 自題林下詞選

去病案林下詞十四卷所集皆歷代才媛之作珠聯璧合無美弗臻以朱

晦菴有言我朝能文女子惟李易安魏夫人而已故茲集即以二人弁首惟時相與討論商榷者若雪灘柳塘聞瑋學山超士諸老多與其役而所觀祕本資以采擷者如葉天寥之填詞集豔沈鳳羽之初蓉集尤為枕中鴻寶初余未見此書頗以為憾嗣於徐積餘先生所假得之其裨吾詞微良匪淺渺而此閱當尤為先生得意作耳

緝柳編蒲消不盡平生心事頻回首舊恨千端迴腸九折而已兩字

功名容易誤讀書萬卷徒為耳甚英雄老大心情付與流水 醉臉

橫春好花簪帽總是閒游戲笑從來酒聖詩豪空留斷簡殘紙羽觴  
醉殺謫仙人綵毫抹倒元才子到而今費盡雌黃畢竟誰是 幽悰  
幾許好似楊花無蒂一刻經千里便檢盡奚囊錦字成灰有愁難寄  
秦女吹簫羅敷彈瑟算來未是消魂候問何時禁得窮途淚霜天好  
夜熏鑪瑞腦頻添鄴架牙籤重理 行間脂印字裏香痕閨閣多才  
思留取松煤研露翠管調朱也難描出柔情密意換羽移宮偷聲減  
字畫眉樓上鍼停處想傷離怨別多相似儘他魂磊填胸白雲何據  
我生已矣

賀新郎 友人促余入都悵然賦此

爲是棲棲者歎當時五陵游俠少年爭逐散盡黃金曾結客酌酒鳳  
皇城下試一曲陽春和寡慷慨悲歌驚四坐記醉歸還把險鞭灑空  
回首成佳話 年來逃入鷄豚社料吳儂廟廊無分甘心田舍偏是



故人情恁重勸學題橋司馬渾消滅舊時風雅投却懷中鸚鵡筆到  
于今也怪禰生罵愁便向征鞍跨

浪淘沙 松下疊石初成

身世等浮鷗忙把閒偷種松疊石任夷遊一壑一丘容我老也自風  
流 倚檻漫凝眸午睡初週野心合被白雲留峭立孤峯看不厭翠  
繞烟稠

行香子 擬豔

出水精神飛燕輕身小蠻腰穩貼湘裙相逢未嫌著意温存愛眼如  
波眉如黛鬢如雲 一晌橫陳情重多嗔背銀鐙私語殷勤道從今  
後來往須頻却半含羞半含笑半含顰

虞美人 贈歌者

良宵綺席搖紅燭瞥見人如玉流蘇寶髻內家妝一曲新歌何處顧

周郎 舞衣未解餘嬌暈姓氏羞頻問着人憐惜在生疎別語分明  
家住在鴛湖

菩薩蠻 記豔

衣香不怕蝦鬢隔粉香蒸地句人魄不枉喚芙蓉鮮妍映日紅 秋  
水點點溜約略雙蛾瘦直恁會嗔人如何偷覷頻

柳梢青 願在眉而爲黛

曉捲湘簾雙蛾低偃欲語纖纖一段幽情幾分春思畫出毫尖一  
丸螺墨輕拈纔點就偷藏鏡奩常在眉閒可知心  
上留待重添

漁歌子 本意

晚嵐青新漲碧湖山一抹秋如滴補荷衣裁箬笠漫把絲綸收拾  
趁風吹隨浪泊釣船不似人閒窄對冰壺橫鐵笛引起一行鷗白

沁園春 家廡雙駒



千里雙駒躡電追風並馳往來看驕嘶歎玉聲邀重價長驅顧影足  
絕輕埃樵牧常依雲霄夙負何處黃金更有臺春風裏且雙雙飛鞚  
鞭影休催 傾囊購得龍媒任牝牡驪黃莫浪猜問驚帆飛兔不輸  
驟裏霜蹄霧鬣未怕崔嵬碧草隄邊綠楊郊外人見渾驚匹練開難  
收駐待朝凌碣石夕刷蓬萊

前調 詠雁追和高季迪韻

已逐春歸還伴秋來相違半年慣叫回客夢征人帳底喚來離恨  
婆婦舟前月儂宵征風驅曉渡歷盡閒關落遠天滄江上看欲棲還起  
髣髴驚弦 一行低壓寒煙休認做黃雲紫塞邊向丹楓影下恰同  
魚夢白蘋叢裏穩伴鷗眠檢盡沙汀往來縹緲羅網空散在稻田知  
飛去有蘅皋深處飲啄悠然

沈時棟見卷九

憶江南

姑蘇好風景動人多花噴吳王神劍血月留西子鏡臺梳陳跡豈糝  
糊

浣溪沙 東家威音

蘭譜追陪蘭砌低吳興騷雅屬佮期最憐才大識人稀 雪冷江清  
高竹屋柳昏花暝史梅溪旗亭爭唱色絲詞

菩薩蠻 山游歸詠

流光不管傷心客歸舟一餉煙雲隔悲樂互相侵山川夢裏尋 古  
今只如此惆悵空勞矣憑酒送花魂花香入酒痕

減字木蘭花 風前楊柳

依依淺碧吹上眉痕描不得芳草堤邊搖曳春情拂翠鈿 灞橋攀  
折腸斷青青今古別忍覩飄搖惱亂長條更短條



前調 題美人便面傍有梅花水月

暗香浮動玉女何來湘水弄徙倚風前花月爭迎水底天 人耶近  
遠彷彿羅浮曾半面隼筆堪誇淡掃偏能壓麗華

前調 題東樓壁

舊家姊妹綠鬢朱顏誰復在慚愧羊曇髻鬢情親事熟諳 荆釵伴  
我自嫁黔婁生計左百不如人十載青燈掩淚痕

山花子 曉妝

綠綺晨光一線過小紅低喚熨輕羅悄傍妝臺臨寶月漫婆娑 黛  
酌淺深休太減粉商濃淡未宜多試向水晶簾下覩有人麼

柳梢青 願在眉而爲黛

低控珠簾菱花乍展柳葉微纖句得春愁描將幽恨多上眉尖 憑  
將玉筍親拈朝和晚常隨翠奩不是張郎鏡中深淺若箇能添

西江月 別怨

柳弱難勝鶯重花含尙怯蜂狂小桃偶爾逗春光可許尋春無恙  
料得重來杜牧追思前度劉郎斷雲何計返高唐從此陽臺不上

鷓鴣天 記憶

玉作精神雪作肌雨零雲斷費尋思窺簾月色愁明處拂簾花陰愛  
密時 眉淺淡鬢參差露寒香重怕分攜那知書幌孤眠夜聽煞簾  
前鐵馬嘶

春去也 本意疊冬呈原韵

恨匆匆一番花草怪雨盲風打疊三春好紅鵝村畔柳眉低爲惱春  
歸鬢未了 約略脂香全杳彷彿翠鬢爭繞碧酣絳斂奈何春惜春  
人共東風老

踏莎行 門草得笑字



找去偏間尋來慣巧不防姊妹爭先效一回輸却柳眉嗔小姑花底  
偷含笑 選勝重來拈芳更較今番拚賭釵兒好薔薇刺抓鬢雲鬆  
歸時生怕閒猜料

蘇幕遮 綺牕私語聲

話留連情旖旎綠綺春寒訴盡綢繆意兩下喁喁音轉細料得多情  
說到情多處 乍低鬟頻側耳却恐鸚哥領略眉閒事慣是紅兒不  
做美躡步潛踪靜聽芭蕉裏

前調 席上猜枚聲

飲瑤樽燃絳燭玉掌擎來虛實眞難卜恐被秋波斜溜速薦地呈拳  
贏却杯中醪 喚三三呼六六勝負循環不怕蓮籌促佯弄機關多  
反覆占盡聰明賺得人兒毒

隔簾聽 深閨聞百舌

喚起羞蛾頻簇春睡偏教醒如啼似訴還詳聽却懊惱東風落紅無  
定花短命伴妝臺斷魂零影秦簫應 神游仙嶺倚玉蒹葭並驚心  
殘夢紗牕冷春光何處欲留難倩聲何佞囑伊絮郎須罄

桃爲短  
命花

最高樓 縹緲晴巒

憑高眺雲際結崕峒身在有無中衆流隱隱迷葦岸亂帆點點綴遙  
空悵來今悲往昔是吳宮 七十個遠峯盈一掌八百里太湖收一  
網勞宋玉唱雄風錦貂窄袖穿鴻雁艤舫戰槩督羆熊笑烟霞留不  
住黑頭公

洞仙歌 和東坡摩訶池夏夜原韻

清也皓月斂冰綃珠汗漏吸銅龍夜將滿指明河漫道此夜三星常  
對老誰計夔州理亂 錦城雖足樂銜璧來歸夾岸芙蓉泣江漢解  
甲愧男兒椒掖陳詩忍啼痕寸腸千轉問劍門玉壘近如何恐帝子



神游滄桑又換

江城梅花引 書齋坐月

蟾影多情荷香無賴夜深不放人眠水亭風細碧柳動如烟瑤臺畔  
一輪纔滿清池裏雙魄爭妍閒吟却坡公水調佳句恣留連 清輝  
長似水睇遙空萬頃光影無邊轉芸窗牙籤低映臨妝閣玉臂應寒  
腸斷也人逢離索月偏圓

意難忘 賦得千樹桃花萬年藥不知何事憶人間

豈戀紅塵怪重尋舊夢遽負仙真玄霜空見搗丹樹杵長春穿故屐  
漫通秦猿鶴悔殷勤忍覩伊紫芝婀娜綠蕙氤氳 曩時幸締仙嬪  
誓芸香永伴寶瑟常新雲鬢搖黛影月佩照湘紉今何世此逡巡陡  
別太無因又那知鷄豚社裏老却曾孫

東風齊着力 願在竹而爲扇疊華胥詞原韵

疊絮風柔釀梅雨細偏弄陰晴翠稠絳淺惱殺隔牆鶯皓腕偷裁月  
魄齊紈軟鬥巧爭贏纖纖手傍花欲撲蝶夢難成 香汗玉肌盈眠  
未足海棠凝露含情英皇粉淚常恐俏魂驚莫遣恩情易斷炎光謝  
倏報秋聲能憐舊朱明再握不算恩輕

滿江紅 慰友悼亡

寶瑟淒清忍輕聽聲聲別鶴頻觸眼零紈斷墨神傷潘岳菱鏡難圓  
鸞影隻桂輪易缺蟾光弱忽重看一幅斷腸牋胸生惡 簾垂地情  
非昨燈乍燼衾逾薄奈坐香荀令愁縈衣削鏃臂盟寒百歲誓返魂  
術負三生約待他年親捧五花封人如作

滿庭芳 遣興

隙地栽花寸陰窺簡沈郎心事如何免圍陳冊些子困人多馬齒無  
聞將及空贏得酒病愁魔驚回首迎涼餞暑駒影疾于梭 知麼塵



世裏荆榛滿目何地堪過除摘蓴溪畔采藥山阿否卽屠沽堪溷淩  
雲志冰雪消磨荆高市吹竽擊筑傲睨恣狂歌

前調 斜陽疊聆缶詞原韵

倦鳥孤飛鳴蟬欲咽漁簪高掛前村烟橫愁靄却怕近黃昏揮斷魯  
戈無力還自笑事事輸人憑闌久興亡滿目丘隴臥麒麟 清樽疑  
蟻夢滄于初醒竹葉留春歎年華駒隙山水空存覩破三生幻影齊  
修短心逐行雲誰知道古今無恙此刻最銷魂

水調歌頭 金庭探梅

聳目羣峯渺回首白雲低苔封睥睨蒼翠遠混碧天齊萬樹梅英初  
發百道泉聲欲咽古穴曉煙迷安得謝公屐助我躡霞梯 買山錢  
誰憐取此棲遲浮生急景易盡何事太情癡局外滄桑幾變忙裏乾  
坤一瞬日月兩爭馳預拂香亭石抱膝共忘機

前調 漱水署中聞促織

喚起朦朧月宿酒未全醒多生與爾何隙鴛夢不教成料是臣孤子  
擊定屬鰥魚寡鵠陡作不平鳴一唱更三歎沈鬱費人聽 似金笳  
如鐵笛沸三更家園此際風梭露杼最牽情續得終朝蟬奏助得終  
宵蛙鼓哀響薄秋冥萬籟倏岑寂起視月華清

鳳皇臺上憶吹簫 月中閒步影

玉宇秋高冰輪光吐碧闌仙桂重重正露濃風細花睡朦朧恰值晚  
妝纔罷移芳趾歎態庭中多情甚描來絕似望去仍空 溶溶清輝  
如水把芳痕深淺繪出偏工看盈盈羅幃小立牆東踏破瓊瑤一片  
回身處碾玉玲瓏形相抱不離咫尺偏恁從容

前調 鏡裏簪花影

玉筍斜侵雲鬢低擁廣寒催上姮娥覩丁香含蕊婀娜婆娑細把菱



花相較評那尹漢殿爭多凝眸處春生兩鬢翠斂雙蛾 銷磨韶光  
暗謝計朱顏消長檢點無過看淺深桃頰宛轉秋波手執絳榴斜插  
新妝靚髻鞞偏荷晨梳罷短吁撚帶試問因何

八聲甘州 柬柯亭弟

感昂綸堂上夜填詞悽惋復淋漓記剔殘鳳脰吮將犀管染遍烏絲  
棣萼爭飛江彩此樂倩誰知怪底寒燈夢依約前期 惆悵知音寥  
落儘黃鐘瓦釜顛倒雄雌奈壯心難抑中夜猛歔歔狠乾坤荆榛滿  
目囑君家收拾有情癡憐才少繡平原也脫穎何時

前調 秋登靈巖追和吳夢窗原韵

踞層巔身在畫圖中羣峯似羅星只館娃宮廢采香涇冷枉說傾城  
吳越春秋糜爛楓葉尙疑腥玉洞探香跡繞屨無聲 故國山川在  
眼甚夫差狂惑狂醉難醒拂琴臺片石縱覽吸遙清流連池閣升輿

晚早蒼茫雲海欲迷汀催歸棹望巖頭穎已逐檣平

館娃宮采香涇琴臺俱係古跡

玉洞即西施洞也

繞屨吳王建廊虛其下

合西施步屨繞之則

黑是山中第一

有聲

池閣即指浣花池涵空閣也

雲海上晴下

是山中第一

好景 雙峯塔露書空穎句 宋

前調 追和柳屯田韵

徧郊原黃葉攪長空景物入深秋記年時游冶玉鞭酒市寶瑟歌樓

倘恍前歡若夢風月等閒休屈指旗亭會南國名流 回首高唐人

杳恨楚雲中斷巫雨常收奈塵緣易誤勝事紗難留縱劉郎舊游能

識怕桃花羞認武陵舟重與感拂烏絲處一字千愁

慶清朝慢 詠繡西施浣紗圖疊蓉渡詞原韵

素練波翻紫絨霞舉苧蘿尺幅追尋應是若耶溪畔人立苔陰柔荑

持繒縷看臨波浣滌費微吟最懊恨白蘋風緊水濺羅襟 念孤踪

成密約想舊愁新恨幾許相侵只恐玉人重遡迷却花深縱有千絲



萬線也應難繡此中心端的是唾絨窗底費盡金針

高陽臺 詠繡高唐神女圖疊延露詞原韵

一幅巫峯三秋好夢陽臺景色空蒼暮雨朝雲無端賺却襄王楚宮  
粉黛猶難足盼佳期月珮烟裳倩鍼神玉腕描來風格飄揚 綵絲  
牽惹情腸把靈踪幻影繡出微茫試問芳魂別離曾否心傷料得鸞  
輿歸去後猶彷彿斷粉零香展冰綃細檢仙姿敢道荒唐

念奴嬌 秋懷

姮娥何處放秋光一片澄清無際自是多情人易老莫怨花天月地  
耐盡蛩吟看殘桐影恍惚心如寄靈均何在行吟枉採湘芷 吾欲  
結伴劉伶東籬浮白潦倒籃輿裏今古難窮誰爲我打破愁城旗幟  
蓬島烟深瑤臺月暗且穩熬魚睡五陵裘馬任他自炫青紫

解語花 對瓶中花

話言誰共惟汝瓶花日伴予清晝予將前印甚情重對我目成相候  
滿懷僛僛凝覷處卿能知否紙窗燈火慘如秋誰向燈前瘦 奚不  
去隨歌酒向月風場底把豔姿門云何遲逗來從我聽徹鬧蛙殘漏  
感卿意厚無言熟視雙眉皺恰冷冷一縷風來只見花顛首

東風第一枝 月夜探梅用史梅溪春雪韻

素彩融香金波暈粉昏黃猶殢輕暖藥娥似共瓊姿較量顰深笑淺  
冰光瑩徹襯十里玲瓏香軟問個人潛步花陰曾否繫將釵燕 臨  
皓魄蕊珠迷眼披素萼露盤迎面只容雀夢瑤窗那許蝶窺閨苑搓  
酥弄粉蚤央及春光如線盼廣寒宮近羅浮依約玉真初見

換巢鸞鳳 寄憶用梅溪詞韻

鶯囀春嬌記分襟南浦攜手河橋空留雲外信枉噴月中簫遙憐憔悴  
損蘭腰夢同花懶香和翠銷妝臺畔想只有桂輪分照 心悄烟



篆渺淅瀝秋聲忽忽驚儂抱金勒空歸鳳車輕別怨殺當時青草暗  
惜朱顏鏡中摧可堪幾度秋光老別來心事除非夢魂能曉

月華清 白鷗同虹亭韻

玉粒頻喂筠籠密護是伊邇日羈處自被菟羅不向山林棲住只除  
却金眼朱頤渾一片縞衣玄縷心怖覺顧影驚疑相憐惟汝 料是  
性偏耿介盼雲海深沈甚時歸渡飲啄無心羞却如鶯鶯語空鎖住  
貢水關山枉消受客牕烟雨愁緒算茫茫天壤寄身何許

時客漱  
水署中

前調 賦得寒氣逼人眠不得鐘聲催月下迴廊疊蓉渡詞原

韻本宮人題壁句

燈燼蘭缸香銷翠被花外銅龍聲遠捱不盡長門夜永夢寒難選怪  
景陽幾下疎鐘又早向妾心頻喚空戀這水晶簾外素娥冉冉 漫  
道海棠香汗怕廣寒宮近露寒花顫竹葉羊車盼殺題紅庭院弄悠

揚鐵馬分明似訴著孤踪無伴幽怨恐千金一賦價廉難換

木蘭花慢 秋夜納涼

炎光猶未謝報涼信暗中驚正簟展鱗波扇搖蟾影月上疎櫺盈盈  
玉繩低挂倩銀濤洗出晚峯青桐葉摧殘酷暑荷香老盡秋聲 水  
螢明滅往來輕天淡斗初橫看竹韵悠揚花陰寂靜人境雙清無情  
滿庭秋色怪年光常向此中更一枕松風襲襲數聲殘澗泠泠

前調 送春

把春心萬種都付與子規聲念花暖花寒花晴花雨花醉花醒愁春  
病從花染待踏香春徑悄無情南陌金鞍試馬西園玉筍調箏 柳  
花如雪撲衣輕寂寂野香生有竹裏登樓花間覓路林外聞鶯烟空  
水澄何處憶花時天氣尙清明潰恨不堪重數焚香小閣孤燈

風流子 春豔疊韵



鍾情難再遇，蒙窺宋欲報，意先蘇。想眉月雙鈎，倚風無力，鬢雲半蹕。  
新雨初過，抱恨處、瑟瑟琴膠。玉柱烏兔，織金梭、莊蝶不來。漫驚短夢，錦  
鱗孤望，應阻重波。文君諧今夕，頻攜手，知是瘦縮春羅。真個韵標  
寒雪，香沁柔酥。奈花影暗移，流光不駐，酒腸越窄，鬼病誰扶。却怪遣  
愁偏到伊道，因何。

疎影 芭蕉疊江湖載酒集原韵

無端怨汝攪秋聲，萬斛耳根縈住。淅淅淒淒，音襲襲寒風驚斷，羈魂何  
許。迷離翠影罩空階，慣消受淡烟疎雨。傍朱闌最怕黃昏，偏把客愁  
傾訴。欲比班姬紈扇，倩生花魏管，泣題新句。露冷幽窻，月射疎櫺，  
空翠拂牆來去。夜深蛩絮太分明，似向恁個儂私語。碾芳心一束，千  
重恰又靈空無樹。

沁園春 慰友

我愛虞卿買却窮愁偏能著書喚三山架筆掃除塊壘五湖滌硯搖  
蕩狂疎蠹卷情深寶釵恩重消得芸窗淚滿裾君休歎便腰圍紫綬  
豈換樵漁 心牽挂玉難儲却不羨馮驩出有車看青萍貯匣誰堪  
結伴白雲在戶我自非渠天地如謳古今若夢用舍行藏任卷舒須  
放眼縱蘭亭金谷一例丘墟

賀新郎 訊陳亦翁時年八十

二豎休侵者爲吾翁高歌魯頌壽而臧也祖述華嶺薊八百十倍居  
諸堪借久了悟人生傳舍憑仗維摩消遣法有松風七椀書千架青  
白眼茫中暇 寧甘混跡鷄豚社蚤抽身塵緣事盡向平婚嫁酣戰  
耆英白傅句潑墨龍袍如瀉快意處聲同興霸洵具潁川風雅骨看  
櫻鞋桐帽人如畫揮寶塵度長夏

邁陂塘 題張太史雪霽南轅圖疊新定毛雀舫先生原韻



指鞭梢犢車南下襟懷冰雪交映緇塵已謝京華道除却鱸鄉靡騁  
瓊林盛把水墨工夫妝點乾坤勝光搖萬頃想回首鸞坡驚心客夢  
豈望湫川令 江南近何處吾廬三逕浩然驢背清詠迷離南北歌  
黃竹肯向蠅蝸爭競山陰興誰承望星馳千里膺王命嘉聆嘉政看  
小試經綸蒼生翹首如仰少華頂

多麗 賦得書幌誰憐夜獨吟

鬼燈青晚風斜透疎櫺正梅梢冰輪遙挂一簾瘦影分明展牙籤孤  
悵悒快披玉簡離思縱橫張子愁篇江郎別賦塗將鳳紙墨欵傾渾  
無賴閒敲漫詠捱盡短長更縱饒却斷腸新句吟向誰聽 料多情  
鍼停繡閣還應纖手調箏理殘妝雲鬢半彈憐舊詠綺句頻賡翠管  
情深金鈿信杳文園病渴恍如醒空記得鷄窗寒峭頻喚莫消停還  
追悔夜香臺畔捉月同盟

吳景果 見卷九

菩薩蠻 山中晚眺

行行一片山巖好春光狼籍誰能掃  
悵望半迷離低徊若有思  
無  
聊姑緩步游冶非心素  
細雨促歸程絲絲多是情

葉舒璐 見卷九

山花子 曉妝

揉纈吹綿日乍長一簾紅雨潑春光  
爲惜餘蕤慵更起恰如棠  
鬢  
惹蝶迷雲六六腕句菱浸玉雙雙  
十樣宮眉誰教演泥槽郎

西江月

紺唾濃于香茜朱啼盈似春灑  
小腰無力軟風拖一線苔痕微破  
占喜難憑鵲腦織愁擬借鶯梭  
驀從鷓枕喚哥哥惹得鷓釵欲墮

洞庭春色 偶檢亡姪憬疏小詞愴焉有感



憶數年前惟吾與爾長共相羊正烏衣游徧香霏瓊塵紅楸賭罷佩  
解羅囊幾番蹋臂春風裏有桃李花開夜未央誰信道是苔封竹外  
草宿池旁 回首山河已邈忍重看斷墨零章歎叔真癡絕猶耽品  
令兒偏佳甚也愛歌行曉風吹散屯田句怪鸚鵡仍呼舊七郎傷心  
也似一聲鄰笛喚起茫茫

屯田小字七郎  
懔疏行七故云

滿庭芳 贈沈焦音表兄

竟體芳蘭雅度是荷何之匹揮寶塵清言斐亶冰壺玉尺靈腕裁詩  
雲散綺豪情讀史杯浮白笑樓頭八詠詎爭多君還益 雀弄曉曦  
穿隙魚代漏涼生肋羨草圍書帶花搖木筆音自焦來偏競賞吟於  
瘦處渾成癖問希踪詞隱復何人從今得

令叔祖寧菴  
先生別號詞

踏莎行 蜂衙

準笑秦王腰憐楚女一時也做春風主衆香國裏放朝班花糧露酒

憑支取 妬盡鴉行驕殘蛙部樓臺日午鸞音聚懸知曾爲聘紅來  
故教管領氤氳簿

沁園春 友人劇談舊恨代此誌惋

往恨難忘幾度低徊腸斷朱絃記巫雲一片峯迷十二柳煙千縷月  
挂初三蕪澤微聞金釵斜溜輕暖輕寒不曉天情深處在鷓鴣枕畔  
軟語留連 一從帆卸長干奈盼斷藍橋益惘然悵烏鰂盟虛枉函  
心坎錦鴛牒小慣鎖眉山僕本恨人卿須憐我珍重三生未了緣知  
何日有鸞膠能續花夢能圓

金縷曲 金陵懷古

六代興亡跡豁吟眸望仙何處寒烟堆碧猶記都官談笑裏天塹江  
流千尺鎖不住銅駝荆棘玉燭調成桑澥換幾些時鎔盡金甌液飛  
渡也真無敵 枉教淚洒新亭客弄清狂瓊枝璧月彩箋齊篋一曲



無愁歌未竟多少神州輕擲况剩水零山誰惜細數官家南渡後縱  
繁華已自乾坤畢俯仰下酸風砉

百字令 懷徐方思

細數平生嘆詞場知己唯君堪受餘子紛紛皆噲伍每笑虎形類狗  
獨對黃花孤拈紅豆懶貫青旗酒盈盈迢隔枉教芳訊都負 懸揣  
捫蝨雄譚呼盧豪氣所向無倻懣只我懷人情轉切側理吟牋擘皴  
剡曲霜鋪楓江月冷此恨平分否不如意事那堪十得其九

笠澤詞徵卷二十九

完



笠澤詞徵

百尺樓叢書

卷三十

邑後學 陳去病輯錄

清

徐達源見卷十

菩薩蠻 題陳秋史亭角尋詩圖

情深不放春光去闌干都着花園住踏遍綠苔痕落紅飛滿身 苦

吟纔半首蘭閣催詩久兒女笑耶癡冷風吹不知

箇中滋味誰知道尋來只索梅花笑梅也笑顏開待君尋得來 小

樓窗四面亭角參差見約略句初成隔牆聞屐聲

郭 驪

見卷十二 去病案諸詞得之友人沈大椿大椿得之嚴

風韻大類復翁因取靈芬全集檢之果得高陽臺賣花聲兩闕  
與此正同因益信其為先生作也今除同者不錄錄其佚者七  
首俾與天下共寶之

清平樂 代贈

是誰驚起花影窺窗矣鴉髻初盤勻面未一枕潮痕猶膩  
尊芬聽  
說歸期深盃到手都遲不惜山香一曲要人知道花飛

玉樓春 贈女郎阿巧

蟲蟲生就腰身楚小小偏工眉黛語人前喚坐意猶嫌衆裏迴眸心  
已許 游絲落絮春無主雌蜺雄蜂自來去金風玉露會相逢定向  
天孫親乞與

如夢令

簾外廉纖微雨簾內金爐香炷睡起卷疎簾胡蝶一雙飛去無語無  
語人在落花深處

念奴嬌

朝來疎雨是天公幾點悲愁之淚淅淅瀟瀟還脈脈做出許多情思



碧落銀河青天碧海中有可憐子料應併作今年一處飄灑可知  
有箇愁人謫來人世也無聊無賴銀海一泓能有幾洗面朝朝而已  
落葉空堦孤燈小院人在窗兒裏梧桐何苦聲聲滴得心碎

前調 寄酬嚴丈歷亭時將赴金陵

疎疎涼雨看天公幾日做成秋矣免日花黃忙不了又是一番舉子  
擺擋書籤料量家具跣跣黃塵裏三年一度者回已是三次可笑  
瓊穩西風冬烘頭腦有甚閒情思十載青衫兩袖淚說也無從說起  
前輩關心文章憎命畢竟知誰是臨風一笑大江日夜流水  
此人可念念書生有疾書生好色臨別微詞猶在耳此意有誰知得  
僕本恨人士爲知己那不傾心極吳門返棹眼中飄影如席 寄到  
一束朋箋似憐漂泊望我搏風翼人世科名何足重勉矣爲公努力  
將相神仙婦人醇酒二者終居一不然才子天教生此何益

滿江紅 湘灤惠研

一片秋雲誰割向羚羊峽罅宛一似芭蕉雨過葉初抽者莫倚善題  
鸚鵡賦先應配與珊瑚架算生平不是石交人如何捨 磨盾手終  
假借磨鐵志徒悲詫况見兄文後不如焚也西域正開都護府書生  
誰是鄒枚亞總不如得箇袖雲藍捧而謝

陳子諒字菽味 見卷十三

南浦 題恬園叔秋江垂釣圖

蘆荻冷沙汀水茫茫人對秋江晴曉魚咬浪花輕垂綸處贏得清光  
多少簑衣箬笠扁舟穩任烟波渺漫詔珊瑚竿底拂却羨忘機鷗鳥  
笑他結網心貪甚風斜雨細心忙不了樂意自陶然釣兒直聊適  
臨淵襟抱漁歌聲杳何妨絲立蜻蜓小此景幽閒誰領略都收拾詩  
筒好



滿江紅 題邱海士集

海士先生論襟抱是奇男子若說與空同倚劍也非難事索米有誰  
憐曼倩求仙竟欲從徐市想壯游萬里故平生當如此 吾妻鏡翻  
奇字長崎島縈鄉思算風光都是吟情所寄一卷新詩傳寫徧也應  
貴到鷄林紙看聲聲飛立萬山頭天邊水

陳蕊元

見卷十三 去病案蕊元有吟  
曉樓稿頃始得之因錄于後

一剪梅 題李八愚聽鶯軒詩草

淋漓墨瀋洒蠻牋吟出風前讀罷鐙前裁雲鏤月門清妍不是青蓮  
却似青蓮 冀北滇南付一鞭鄉思雲邊詩思酒邊題橋叱馭趁青  
年不受人憐只乞天憐

時將補  
官西川

點絳脣 美人風箏

何限嬌痴乘風偏向雲霄住五銖金縷生怕廉纖雨 環珮珊珊疑

學飛仙去香魂無據且結雙成侶

憶蘿月 題唐銀槎西窗話舊圖

春宵如許問對蕭騷雨難得談心來舊侶銷却幾分愁緒 鶯啼花  
落沈沈錦囊好句同尋莫說十年一別相思直到而今

蝶戀花

柳半垂條花半吐紅暈香腮未識誰家婦貼地弓鞋三寸許分明裙  
底勾春住 惆悵玉郎經歲去芳草斜陽儘是銷魂處欲仗東風傳  
別緒東風反被相思誤

醉太平

新荷送香熏鑪試香簾鈎聲又郎當背銀鐙暗傷 相思話長穿針  
綫長憑他玉尺商量繡鴛鴦一雙

少年遊



濕雲鎖住遠山頭六月做成秋寶鴨香沈羅衫風峭鎮日不勝愁  
霎時簷際收殘溜暮景自清幽數點宵行一聲知了催月上簾鉤

清平樂

迴廊十里燈火零星記親度玉簫明月裏忘却夜涼如水 相依雲  
母船窗膩人春色無雙尊上葡萄酒暖鬢邊茉莉花香  
春風無主總被東風誤幾度欲留留不住一種痴情難訴 那時柔  
櫓啞箇人宛在天涯莫問去來踪跡祇憑好夢尋他

菩薩蠻 題周夢塘小影

超然獨立塵埃外分明已入清涼界心眼一時寬白雲寒不寒 蒲  
團寧製艸跌坐唯參道鍊出自鑪中神仙行樂同

朱瑞增見卷十四

浪淘沙 題伯海峨松圖冊

膚寸託靈根。劇向峨岷娟姿。纖影碧鱗鱗。客有閒情移入畫。更費清吟。文石護嶙峋。几榻風塵虬髯細。拂淨無塵。一樣凌雲高格。在相對忘情。

菩薩蠻 題綠雲吟館詞

空山涼煞詩人夢。綠雲一片遙相送。新調譜迴文。風流最憶君。高情無著處。寄向東風去。棹却酒船來。寒梅花正開。

金縷曲 題伯海小象

說與君休惱。眼看他青衫一例終拚潦倒。天忌能文終作崇。古有其人不少。只可惜勞踪。艸艸與醒而狂。寧獨醉。問此中情緒。何能曉。云暫把窮愁掃。幾年抗走長安道。怎昂藏酣歌擊劍。市人驚笑。畫裏頓教緇鬢改。意氣看仍排。冁獨相顧。形骸忘了。待約五湖三畝。宅有綸竿在手。堪同釣。只可惜垂垂老。



前調 寄葑溪徐子晉

積愍容分割悵神交只憑魚素三年之久江國梅花春乍到記向者  
番攜手風雨際落帆時候珍重西園同剪燭話當筵幾度停杯酒拚  
醉倒愁何有 君才原合肯堂構又底須看人垂橐也同馳走賃廡  
思量謀畫易怎奈此情孤負縱說項我慚良友君善醫處余于  
禔湖墅僦居停爲道  
文章聲價在荐凌雲好待遭逢偶却一日腸迴九

疎影 題陶鳧鄉先生梁紅豆樹館詞卽用集中第一闋韻

楊枝不舞念吳閭小住客意如許縱使才人怨紅愁綠青豆閉房何  
處一編小令屯田抵盡寫了譜中媚嫵嘆年華開到梅花可曳行囊  
歸去 爲問詞人紅豆拈來摩詰意名署休誤一段鴻泥分判仙毫  
故山歸話吟趣青衫潦倒情猶爾怕俊侶江湖云暮只相思寄與湘  
絃聽此悒悒琴語

金縷曲 題屈弢園爲章竹滬漁唱詞卽用集中韻

琴意何清冷愛茆堂占來竹滬些些風景徵逐詞場事初了結個禪  
因都淨數俊語小山堪並唱過蒼洲漁笛譜賸烟波說與閒鷗聽勝  
多少漂萍梗 家鄉胡老疎狂甚謂胡品口先生問當時提鷗挈鷺招邀小  
艇人是騷經舊苗裔淡到湘蘭無影香草句相思先媵日晚鳴榔能  
和汝儘月斜風細情消凝憑按讀君應省

乳燕飛 題海昌蔣生沐明經篝燈教讀圖

暗搵孤兒淚數淒涼天風蘿屋一燈搖穗却戀孀親勤課讀且喜楹  
書能記那禁得宵寒如水斷續鳴機聲未輟漸遙村呶喔荒雞起心  
一寸何能已 丹鉛猶在叢殘紙聽人稱宣文講授紗帷乍啓今日  
遐方名藉甚可識傳經之始肯牆角短檠輕棄太息林鳥思反哺邈  
儀形追溯髻年事算只有此圖耳



洞仙歌 題二十四橋圖

揚州舊夢怪勾留不去潦倒青衫擅詞賦便腰纏十萬騎鶴來時早  
又是衰艸江南無數 相思誰喚起廿四橋頭尺八携來兩頭譜如  
此大光明月落參橫驀記着少年情緒嘆秋士春人有同情訴幽怨  
離愁那時云暮

桂枝香 花朝後一日家伯暨同人探梅鄧尉玄墓諸山予枯  
坐齋頭未曾出遊拈此攄懷

二分春色却勾留舊夢西磧香雪此是羅浮早有翠禽啼徹石樓數  
遍枝南北更何人袖羅寒絕吟餘瘦句醒來薄酒那時孤立 試證  
取前身姑射與誰釣溪山同蠟游屐自笑疎慵清福不曾修得文窗  
乍向梅邊拓只胆瓶商量低折俊游無恙歸期近在剪燈重說

柳梢春 春雨

罨畫廉纖樓臺深鎖柳淺花蔦中酒人情傷春滋味斷送年年江  
南芳艸如烟愁濕了游驄錦韉燕子低迷鴛兒小坐一架秋千

臺城路 落梅

玉烟不鎖羅浮夢東風峭寒庭樹無著梨雲任黏苔蘚一縷冰魂剛  
化重簾低挂料短笛江城聲聲吹乍賸數橫枝芳華不是舊時也  
相思鈴語空護悵飄從竹外翠袖兜惹小點平橋半埋古驛誰解描  
成圖畫多情開謝道啼徹青禽流鶯都罵好望西泠綠陰窗半亞

黃寶書見卷十八

滿江紅 題蒹葭秋水圖

烟水茫茫尺幅裏沙平波漲儘先生風晨月夕自家欣賞幾點蓼花  
霜有信一泓秋水葭無恙想扁舟搖盪夕陽中心旌漾聽幾曲漁  
歌唱見幾處炊烟上喜柴門不遠移家西向繞屋數株疏柳淨隔籬



一帶幽花放便前人寫盡水邨圖也須讓

莊人寶見卷十九

洞仙歌 題青浦王伯瀛炳華泛海圖

飄然去也仗片颿如駛蜚渡蓬萊幾千里正銀濤浩渺瑤島迷離雲  
散處花底一重門啓 塵緣會未了玉宇瓊樓何幸霓裳聽仙子離  
合奈無端纔得相逢風驟引輕舟迴矣待舊約重尋路茫茫只碧海  
青天月明而已

黃元芝字商齡一字蔚若號沅芝光緒乙亥舉人太倉州學正黃復

云先大父從趙龍門柳子屏陳申甫諸先生游輒蒙歎賞迭署  
崇明溧陽丹陽教諭尤邃于醫有學古齋集秋蛩吟草匏庵隨  
筆醫學摭見錄霍亂求  
是編星命彙攷等書

滿江紅 茂苑錢茗卿茂才以舒鐵雲瓶水齋詞屬題凡琴尾

詞湘雪譜讀夢樂句畫禪秋影共四卷

葬莽乾坤曾歷盡塵煙劫雨且莫問楚德池亭簫材院宇先生別墅名也衰

草垂楊成底事金尊玉局將誰主數當年風月付閒情今何處 焦

桐韻看重譜鴻泥印留千古任世界滄桑自餘眉嫵鏡裏鬢雲春夢

遠鏡前蠟淚秋心苦儘憑他一一衍波箋珠璣吐

明 閨秀

葉小紈見卷二十二

蝶戀花

楊柳迎風絲萬縷霧鎖煙橫遮斷春歸路最是遣人魂黯竚斜陽弄  
影紗窗暮 銷盡年華今又古一餉無情怪底愁難吐簾捲簾垂憑  
燕度偏他不把花時誤

清

沈友琴見卷二十三



減字木蘭花 風前楊柳

池塘樓外漾盡眉峯多少翠飄泊游絲却似章臺繫馬時  
凝煙凝雨留得鶯聲三月住唱徹陽關斷送離人不忍看

沈御月見卷二十三

南歌子 畫扇贈女伴

螺淺凝眉翠蓮輕印步塵瑤池香案立前身記得霓裳幾曲月中人  
隔面偏嫌遠聞名恍若親鷓鴣聲裏惜殘春借取齊紈風送代文  
鱗

陸 惠見卷二十三

憶舊游 題五湖漁莊圖

指湖光一抹巒翠雙螺縹緲堪尋天末迷離影賸濃雲擁絮隔斷烟  
岑卜居水行何處遐想碧波深便畫出巢痕訪來詩境煞費仙心

沈吟故鄉路歎樹杪斜陽誤了歸禽  
燕向圖中見有鷓鴣眠遠渚鷺立  
寒潯漁莊似此清劇未許點塵侵  
試卷上疏簾西山爽氣涼到襟



中華民國四年八月付印  
中華民國四年十月出版



編輯  
行輯  
人兼

印刷者

發行所

笠澤詞徵百尺樓叢書

定價金五角

陳去病

上海六馬路東新橋北首吉慶坊內  
國光書局印刷所

上海拋球場北轉四甯波路  
國學保存會

上海棋盤街  
廣益書局

上海六馬路東新橋北首吉慶坊內  
國光書局印刷所

上海北泥城橋新馬路白克路  
競雄女學校